



## SAKSPAPIR

| Saksnr  | Utval                  | Type | Dato       |
|---------|------------------------|------|------------|
| 09/2021 | Bygdeutviklingsutvalet | PS   | 11.05.2021 |

| Sakshandsamar   | Arkiv  | ArkivsakID |
|-----------------|--------|------------|
| Tore Henrik Øye | FE-231 | 21/456     |

### HANDSAMING AV SØKNAD OM BYGDEUTVIKLINGSMIDLAR TIL OPPGRADERING AV MØTEPLASS/AKTIVITETSOMRÅDE VED SKULEN OG BARNEHAGEN I EKSINGEDALEN

#### Vedlegg:

Søknad om bygdeutviklingsmidlar til sosial- og aktivitetsområde i Eksingedalen

#### Kommunedirektøren sitt framlegg til vedtak

Det vert ikkje løyvd bygdeutviklingsmidlar til søknaden om oppgradering av området ved skulen/ barnehagen som sosial møteplass og aktivitetsområde. Grunngevinga er at Vaksdal kommune i 2020, løyvde eigne investeringsmidlar til opprusting av skuleplassen til Eksingedalen skule på Bergo.

#### Bygdeutviklingsutvalet - Sak 09/2021

#### BYG - Behandling:

Kommunedirektøren sitt framlegg til vedtak vart samrøystes vedteke.

#### BYG - Tilråding/Vedtak:

Det vert ikkje løyvd bygdeutviklingsmidlar til søknaden om oppgradering av området ved skulen/ barnehagen som sosial møteplass og aktivitetsområde. Grunngevinga er at Vaksdal kommune i 2020, løyvde eigne investeringsmidlar til opprusting av skuleplassen til Eksingedalen skule på Bergo.

#### Saksopplysningar

#### Samandrag/konklusjon (kort om saka):

Bygdeutviklingsutvalet har kr. 500 000,- i tilskotsmidlar til fordeling i 2021.

«Elevgruppa ved Eksingedalen skule» søker om kr. 15 000,- i bygdeutviklingsmidlar til innkjøp av

benkar, bålpanne og sparkesyklar for bruk på området ved skulen og barnehagen på Bergo.

Føremålet med tiltaket er å utvikle området som sosial møteplass og aktivitetsområde. Initiativet er knytt opp til prosjektet «*Fornyning og oppgradering av uteområdet ved skulen og barnehagen*» i regi av Eksingedalen kvinne- og familielag med fleire.

Vaksdal kommune løyvde nyleg kr. 200 000,- i investeringsmidlar til opprusting av Eksingedalen skule sitt uteområde, med vekt på innkjøp av leikeapparat.

Planlagd tiltak vert sett i samanheng med kommunen si løying til opprusting av uteområdet ved skulen, og Kommunedirektøren går ikkje inn for å løyve ytterlegare tilskot gjennom bygdeutviklings-midlane.

### **Bakgrunn for saka:**

Bygdeutviklingsutvalet har kr. 500 000,- i tilskotsmidlar til fordeling i 2021. Delar av midlane er nytta.

I søknad av 19.03.21 søker «Elevgruppa ved Eksingedalen skule» om kr. 15 000,- i bygdeutviklingsmidlar til å ruste opp sosial møteplass og aktivitetsområde ved skulen og barnehagen på Bergo i Eksingedalen.

Tiltaket er kostnadsrekna til kr. 39 197,- fordelt på følgjande innkjøp:

- Fire stykk trykkimpregnerte hagebenkar, a kr. 3 300,- : kr. 13 200,-.
- Bålpanne : kr. 2 000,-.
- Tre stykk sparkesyklar for aldergruppa 12-16 år, a kr 1999,- : kr. 5 997,-

Bakgrunnen for søknaden er Eksingedalen kvinne- og familielag, Eksingedalen Idrettslag og foreldre og elevar sitt nyleg starta prosjekt om «*Fornyning og oppgradering av uteområdet ved skulen og barnehagen*».

Målet med prosjektet er å skape ein triveleg stad til bruk for skule/barnehage – og for familiar/bygdefolk i fritida. Den sosiale møteplassen og aktivitetsområdet er også meint for hytteeigarar og andre som besøker dalen, går det fram av søknaden.

Søklar har tru på at planlagd tiltak vil fremje «skuleplassen» som ein poulær samlingsplass for både born, unge og vaksne i Eksingedalen, og vere positivt for samhaldet i dalen.

I 2020 løyvde Vaksdal kommune, ved Eining for oppvekst og Eining for samfunnsutvikling, kr. 200 000,- i investeringsmidlar til opprusting av uteområdet ved barnehagen/skulen, spesielt med tanke på innkjøp av leikeapparat. Midlane vart tekne over budsjettet for «Oppvekst til skuleplasser/uteområde».

### **Formelt grunnlag**

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert teke inn i handsaminga under punktet «*vurdering og konsekvensar*».

### **Vurdering og konsekvensar**

Søknaden vert vurdert å vere i samsvar med bygdeutviklingsmidlane sine retningslinene for krav til innhald.

«Elevgruppa ved Eksingedalen skule» står som søkjar, men søknaden vert kopla opp mot prosjektet til kvinne- og familielaget med fleire. I dette høvet seier retningslinene at friviljuge lag og organisasjonar kan søkje om midlar frå Bygdeutviklingsutvalet.

I følgje retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast stønad til kurs og kompetanseutvikling, men ikkje til drift.

Kommunedirektøren ser positivt på planlagd initiativ for å utvikle området ved skulen og barnehagen som møte- og aktivitetsplass for trivnad og opplevingar. Tiltaket vert vurdert å liggje innanfor bygdeutviklingsmidlane sine føremål. Men søknaden vert òg sett i samanheng med kommunen si løyving på kr. 200 000, som òg kan nyttast til innkjøpa det vert søkt om.

Den kommunale løyvinga er relativt stor, og sjølv om eit tilskot frå Bygdeutviklingsutvalet ikkje utelukker finansiering frå andre kjelder, er vurderinga at løyvde investeringsmidlar bør vere tilstrekkeleg til å utvikle uteområdet ved skuleplassen/barnehagen. Samstundes vert finansiering frå slike, øyremerkte midlar, vurdert som ein rettare bruk av pengar på kommunale uteområde/skule-plassar, enn bygdeutviklingsmidlane. Dette som følgje av at plassar til skule og barnehage først og fremst skal fremje aktivitet for born/ungdom som går der, sjølv om plassane også har ein viktig funksjon på fritida – og at lokale foreiningar er involvert i prosjektet det vert søkt om tilskot til.

Bygdeutviklingsmidlane bør i større grad nyttast til tiltak som kommunen ikkje har ansvar for, sjølv om tilskotsordningane kan kombinerast, når det er tenleg. I gjeldande høve går ikkje Kommunedirektøren inn for ein slik kombinasjon, og peikar på dei løyvde investeringsmidlane for å utvikle plassen ved barnehagen/skulen på Bergo.